



C A R O L I

N O N I

F R A N C O R V M

R E G I S V I T A.

*De eius Progenitoribus.*

C A P V T I.

**E**X gente Capetia familiæ  
 dux clarent Valesiorum  
 & Borboniorum, sed illi  
 Augustiores, Galliæ enim imperât;  
 horum egregia merita, quædam  
 etiam secus admissa in rempublic.  
 extant: Auus Caroli Franciscus li-  
 beralium artium fautor, pater Hé-  
 ricus exactis Gallia Britannis clarus.

Maternum genus duxit ex medicis, familia vetere & honorata apud Hetruscos, ex qua orta est Catharina Medicea splendidissima.

Casse

Caroli ortus.

F

39

326

## CAPVT II.

1596m Carolus natus est in agro Parisiorum prope sequanam fluuium, vico modico cui nomen est (S. Germain en Laye) lalia, quinto calendas Iulias, anno à partu virginis millesimo quingentesimo quinquagesimo hora quinta: Infanti nomen Maximiliano inditū, quod ita placeret Maximiliano postea Cæsari & socero. Michaël Salonensis Mathematicus inspecta genitura predixit cruentum & infelicem principatum, nec euentus defuit.



*Caroli regnum.*

C A P V T III.

Annum agens vndecimum Francis fratri hereditatem adiit qui sine liberis decesserat; Quo die in Regem vnctus est, matri neganti eum posse per ætatem ceremonias ferre quæ multæ sunt, *feram, inquit, nec recusabo hunc laborem quoties se regna offerent.*

*Bella ciuilia.*

C A P V T IV.

Bella ciuilia sub decessoris principatu nata ex odiis Guyfianorum & Memoratorum hoc Rege Galliam vastarunt, direptæ vrbes, incensa oppida, vici exusti; ferro, fa-

me, incendio quadringenta hominum millia periere.

*Victoria Caroli.*

C A P V T V.

Quater pugnatum est. In carnutibus ad acturam amnem cæsis duodecim hominum millibus. In conspectu Lutetiæ Parisiorum ubi Anneus Momorantius cecidit. In Santonibus ad Carantonum flumen interfecto Ludouico Borbonio partium duce; In Pictonibus ad Moncontorium oppidum, quo prelio sex decim hominum millia profligata sunt. Has victorias per legatos obtinuit, minuta vero prelia in singuli prouinciis, seditiones, cædes, rapinæ in omnibus penè cultis incultis ve Galliæ locis pro-



*Francorum Regis vita.* 5

pter religionis causam fuere. Cum magna pars ciuium veteribus sacris hereret, alij ex Caluini disciplina nouos ritus introducere conarentur; Quæ discordia omnium perniciosissima amicitiae & necessitudinis vinculum toto regno sustulit.

*Remedia aduersus ciuiles discordias.*

C A P V T V I.

Duobus remediis ad sedandos regni motus vsus est, clementia & seueritate: pacem enim cum rebel-  
gnum cædis, ciues quod mādātum erat faciunt, cæsis omnibus Calui-  
libus pactio ne pepigit, renouato veteri exemplo Atheniensium legis amnistias seu obliuionis: eosdem fortunis, sedibus, ac honoribus re-

stituit: Nihil inde tandem consequutus quàm odium suorum, nam sæpius ignoscendo seruis, auxiliorum insolentiam, ut imperata facere nollent, & leges darēt domino suo verius quam acciperent.

*Clades Parisiensis.*

C A P V T VII.

Cum vero desperatus morbus anxiam & periculosam curationem requirere videretur, nec aliter sanari posset quam astu & sæuitia, astum premisit per speciem nuptiarum Margaretæ sororis & Henrici principis Bigerrionum; Conuenire etiam factionis duces, nobilissimus quisque & audacissimus centurio honoraturi principem rebus suis fauentem, paratis nuptiis, cum



iam discessuri viderentur, rex die festo Bartholomei prima luce dat signaui qui in vrbe reperiri poterunt, Rex ipse tragædiam ex arce letus animi spectabat. Gaspar Colinius fax, & incendium patriæ aliquot vulneribus confossus perijt. Interfectorum numerus ad tria milia cadauerum in profluëtem sequanam vnco tracta sunt. Hæc clades incidit in diem octauum calend. Septemb. anno 1572. Aliquot diebus post ad furcam publicam ijt cōspectum Colignii cadauer quod pedibus pendebat, seruis foetorem non ferentibus, *hostis mortui bonus est odor*, inquit.

*Literæ eius ad præfectos pro-  
uinciarum.*

C A P V T V I I I.

Dedit continuò literas ad præfectos & moderatores prouinciarum mandans reliquias defunctorum cædi; Non ætatis, non sexus ratio habita est; Cecidere vna literarum significatione circiter decem millia, plebs irata nullum in his trucidandis seuitiæ & crudelitatis genus omisit. Quod si in Aquitania vbi hoc malum latius serpserat parisiensium medicorum remedia tū adhiberi potuissent. Idem annus ciuiliū bellorum finem, & initium diuturnæ pacis attulisset. sed aliter cœlitibus visū est seu propter quorundam piorum cum impijs fusum sanguinem



*Francorum Regis vita,* 9  
*sanguinem, seu aliam ob causam.*

*Aliquot eius egregie dicta.*

C A P V T. I X.

Cum in militari via qua mel das  
itur ab equitatu rebellium circun-  
ueniretur, conuersus ad legiones au-  
xiliarium Heluetiorum inter cæte-  
ra vocem illam edidit, *malò mori*  
*Rex quàm viuere captiuus.* Magistri  
equitum est ensẽ regi præferre,  
igitur Anneo Mòtmorantio mor-  
tuo, vt supra demonstratum est, ho-  
norem illum petentibus respondit,  
*satis virium sibi esse ad gestandum en-*  
*sem nec alio auxilio indigere.* Regiæ  
familiæ magistro prodicione ho-  
stium sublato, cum id munus de  
mortui filio daret, & puerum esse  
quidam dicerent, *Senescet,* inquit.

Dicebat eum qui semel regnum appetisset in ea libidine moriturum. Contineri interdum domi non poterat aedificia vocans sepulchra mortuorum.

*Vxor & filia.*

## C A P V T X.

Vxorem duxit Isabellam Maximiliano Cæsare genitam, ex qua tulit cognominem matri filiam, cuius natali reorum supplicia auidè spectauit, sub occasum solis accendi faces iubens circa furcam, ut morientium ora certius viderent, adnotatum id fuit quasi infustum & indecorum. Reges enim crudeliorum suppliciorum autores esse oportet quoties flagitia seuitiam poscunt, spectatores verò minimè ne atrociora meditari consuecant.



*Sanctiones eius.*

## CAPVT XI.

Sanctionum eius edictorūque numerus iniri non potest. Necessaria sanctio illa visa est quam de anni ordinatione publicauit, nam cum cæteræ gentes anni principiū definiant à natali Christi, Galli à Paschate soli ordiebantur, quæ res turbabat mercatorum animos in solutionibus, & huius generis negotiis: Alia sanctione Tertulianum Senatusconsultum antiquauit, quia iniquum videbatur, fundos maiorum ad extraneos transire; & improbæ fœminæ quedam occasionem sanctioni dederunt, quæ liberorum mortem captasse arguebantur; Igitur intestato de cedētibus li-

beris matres non succedunt vt bona eorum propria faciant, vsum fructum tamen eis sanctio non ademit.

*Symbolum Caroli.*

C A P V T XII.

Ministri & serui regij Symbolum principis in veste præferebant columnas duas sic inscriptas, pietate & iustitia, quibus rebus seu columnis magna imperia nituntur, videtur Michaël scrinij magister ex Claudij Ludo apud senecam Symboli occasionem cepisse aut alius quicumque is fuit; extat enim apud eum autorem vox Augusti. *Principes, pietatē & iustitia deos fieri.* Porro vtramque virtutem coluit, pietatem sane vsque adeo vt sangui-



nis humani nimiū fuderit, nā cum  
humanitate & clementia Caluinia-  
nos in officio contineri non posse  
animaduertisset, seueritatē induit,  
vocem illam ingeminans *quoties de*  
*reis ageretur pium esse, crudelitas est,*  
*crudelem, pietas.* Iustitiam autem nō  
æque coluit, coactus venalia omnia  
habere, vectigalia noua imponere,  
exigere tributa solito grauiora vn-  
de exercitus aleret, & sumptus quo-  
tidianos ferre posset.

*Seruus ab eo prædilectus.*

C A P V T X I I I.

Seruū vnum præcipue susce-  
pit Albertum Gondium institoris  
Lugdunensis filium, à quo didicit  
numen deierare, hunc nobilissi-  
mis viris præferens in immensum

extulit, opibus, fauore, honoribus  
facturus maiorem si diutius vixis-  
set; Tribunum equitum, qui honos  
in gallia maximus habetur, esse cū  
voluit, præposuitque prouinciæ  
Massiliensium, & quibus optauit,  
rebus auxit: constat eum donatum  
à rege vno quinquennio sexcentis  
aureorum millibus.

*Pædagogus, & nutrix.*

### C A P V T   X I I I I .

Amiotum pædagogum magni  
deinceps fecit, opulentis sacerdotijs  
primū, mox Altissiodori ciuitatis  
episcopatu donatum; Lanij filius  
erat, Meloduno oppido ortus, ex-  
cellenti ingenio, Latinè & Grecè  
doctissimus; Carolus magistrum  
eum appellabat, inter iocos auari-



*Francorum Regis vita.* 15

tiam objiciens & sordes quod linguis bubulis vesceretur; Nutricem vero vnicè amavit, etsi Caluinianam, nec ab ea aliud vnquam petijt nisi vt ad sanitatem rediret, quod & obtinuit; Si quidem Parisiensi cæde territa anus ad sacra maiorum reuerfa est, regis sanè precibus nō minis: eidem petēti pro se familiaque sua nihil vnquam negavit.

*Exercitia eius.*

C A P V T X V.

Exercitia eius varia, saltare, pila ludere, equos incitare, eis soleas facere, aurigare vel quadriugē optimè nouerat: Insuper arma fabricare, fundere tormenta, piscari, feras capere; venationis studio ab ipsa pueritia flagrauit vsque ad infantiā;

Interdiu vagari in siluis, noctuque solitus immemor cibi somnique, ut huic voluptati satisfaceret; de instrumentis venatorijs, & latibulis ferarum, arteque multiplici eas capiendi extat liber ab eo scriptus, quem in latinum sermonem converti perito linguæ aulico mandavit. Hæc quotidiana belluarum insectatio sanguinarium eum reddebat in feras, nō in homines; Neminem enim manu occidit. At sepe porcos mactavit cruentis manibus exta exerens quasi laniariæ tabernæ servus. Irruenti in mulum Lansaci inter aulicos gratiosi: *Quod tibi, inquit, dissidium cum mulo meo Christianissime regum?*

*Liberalitas*



*Liberalitas eius.*

CAPVT XVI.

Erga omne hominum genus liberalis fuit, sepe dicens; Regem in dando facilem esse oportere, populos quippe fluminibus similes, pecunias ad Fiscum seu ad Oceanum aquas, transmittere.

*Studium in cantu & Musica.*

CAPVT XVII.

Ex omnibus disciplinis eam imprimis coluit quam Henricus parens exactè didicerat, Musicam intelligo, ob cuius amorem cantores in pretio habuit, precipue eunuchum quendam cognomine Re-

C

gem ; hunc non solum audiebat canentem , sed sæpe ipse permixtus choro, vocem exercebat nactus canoram & grandem. Dedit & musicis propter stipendium sacerdotia magni prouentus, generis eius artifices libenter laudans.

*Notarius Caroli.*

C A P V T   X V I I I .

Literas pingere admodum didicit puer à Petro Ammone blesensi notariorum totius Europæ excellentissimo ; idem signum quo in subscribendis sacris sanctionibus vteretur, delineare docuerat : postea accusatus religionis nouæ, Parisiis à seruo publico strangulatus est. Casum artificis moleste tulit cedens inuidiæ temporum cum bella ciuilia



cogerent de amicis quoque supplicium sumere.

*Spectrum igneum.*

CAPVT XIX.

Non multo ante nuptias suas cum venaretur in sylua Leonensi agri Rothomagensis, obuium habuit spectrum igneum altitudine hastæ, territi venatores diffugere; Rex intrepidus stricto ense insequitur solus donec fatuus ignis disparuit. Narrabat sibi ex fuga spectri iniectum metum & repetijisse ex sacro hymno quod à preceptore puer didicisset. *Deus adiutor meus sis mihi in Deum adiutorem meum:* In eadem adamata sylua, iecit fundamenta superbæ ville, locus à situ Caroli val-  
*lis* dicitur.

*Facti species in qua ius violauit.*

C A P V T    X X .

Cum ab armis discessum esset post primum ciuile bellum, longo circuitu facto omnes Prouincias Regni sui iustrauit: Burdigalæ Vibiscorum Burnizellius vir potens Turrianum dolo malo occiderat; captiuus à Senatu damnatus est, Agnati tentata aulicorum gratia pœnam remitti à Carolo petebant; vidua Turriani rogata ab eo ut & ipsa damnato parceret, fortunarū suarum quantū vellet offerenti; *non faciam*, inquit, *quod iubes*, sed *quando gratia iure*, & legibus potior est, da veniam huic infanti, quem propterea alam ut paterni percussoris sanguinem fundat. Captiuus tamen dimissus violata iuris discipli-



*Francorum Regis vita.* 21

na: quod ego commemorare volui  
vt fortis fœminę Romana vox nun-  
quam intereat.

*Oratio eius in Senatu.*

C A P V T X X I.

In Senatu Parisiensi orationem  
habuit ad Patres, cuius prima parte  
laudavit matrem, prædicans se ei de-  
bere vitam & regnum. Altero capi-  
te pium erga se fratris animum com-  
memorans; Deinde questus de cor-  
rupta legum, & iuris disciplina, de-  
que cōtemptu sanctionum suarum;  
*vestrum est, inquit, parere sanctioni-  
bus meis, nec disputare quales sint, ego  
enim melius scio quid sit ex usu regni,  
quidue deceat, quam vos. Hæc im-  
berbis dicebat in cœtu doctissimo-  
rum senum mirantibus cunctis &*

quo talia didicisset. Carolus Lothar-  
renus orationem illam scripserat ple-  
nam insolentium verborum & ty-  
rannici spiritus.

*Amasia Caroli.*

C A P V T XXII.

Adamavit mariam Tochetiam Au-  
relianensis iudicis suppliciorū filiam,  
prestanti forma, & venustate, ex  
qua tulit naturales duos filios. Hæc  
inspecta Isabellæ pictura risisse dici-  
tur addito verbo; *Nil me terret Ger-  
mana.* Sane Rex ipse inter moras  
longissimi morbi semel ad eam di-  
uertit, suspitioque est auctum mor-  
bum ex importuno coitu, & accele-  
ratum vitæ finem. Hanc matri com-  
mendare non est ausus; mandavit



tamen Carolo Gondio cubiculario  
ut verbis suis commendationem ei  
faceret, quod & ipse fecit mortuo  
domino; ipseque ex dolore amissi  
principis, & intempestive abeuntis  
fortunæ, concepto morbo statim  
perijt.

*Afflictio ordinis Ecclesiastici.*

C A P V T   X X I I I .

Incertum est utri magis Ecclesia-  
sticum ordinem vexarint, Carolus,  
an Calviniani: nam hi paucis Sacer-  
dotibus occisis templa spoliarunt  
presentibus ornamentis; Ille ex con-  
secratis vasis nummos fecit; Præfe-  
cturas Ecclesiasticas & Monasteria  
pueris, militibus, foeminis dono de-  
dit. Decimas quaternas quandiu vi-  
xit exegit; latifundia diuini iuris non

pauca distraxit, coactis ex venditione illa vicies centenis aureorum millibus.

*Studium eius artium liberalium.*

## C A P V T XXIV.

Grammaticam puer attigit, & lubenter amplectebatur literas, sed ubi primùm Rex fuit omisit hæc studia doctrinæ, quasi imperaturo contraria ex opinione Aulicorum, apud quos pulchrum est nescire literas. Amauit eas tamen; itaque ad Poeticam pronus gallico sermone versus composuit: ex latinis poetis dilexit Auratum, ex gallicis Ronsardum Vindocinensem, & Baesium Lazari filium quos sua poemata recitantes libentissimè audiuit. Dabat & eis præmia, cæterum non magna, ut breui redirent, & aliquid, deficiente



ciente pecunia, meditari cogerentur,  
*Pætas generosis equis similes esse dicens,*  
*quos nutrire, non saginare oporteat.*

*Cibus, potus, somnus eius.*

C A P V T    X X V.

Cibi modice appetens quo vires  
reficerentur; vinum puer bibeat,  
nec dilutum, quidem; postea valetu-  
dinis causa potione illa sibi interdi-  
xit, frigida semper vsus, aut Hipo-  
cratico quod ex aqua, Zacharo, &  
Cynamomo. Somni breuissimi erat,  
nam plerumque ante mediam no-  
ctem in equo erat canes ciens aut  
aliud agens.

*Prodigium precedens mortem.*

C A P V T.    X X V I.

Prodigium eius mortis fuit, exor-  
tus stellæ in concauo Mercurij, quod

ferè nunquam accidit, luminoso quidem cæterum incrinatus fulsit, annum & dimidium. Rupella sanctorum obsidebatur: Theodorus Beza super ea minaces versus edidit Herodis nomine Carolum perstringens.

*Iste nouus nullo feralis crine cometes,  
Et radians puro quod nitet igne  
iubar.*

*Et quid portendat terris; Deus ille  
Deorum*

*Novit, & ostendent tempore facta suo.*

*Quod si humanæ aliquid possunt præ-  
sciscere mentes*

*Talia scrutari, nec mihi signa,  
nefas.*

*Fallor ego, aut hic est Davidis regressus  
in urbem,*

*Duxit ab Eo qui prius orbe ma-*



gos.

Et quæ nascenti preluxit, nuntiat  
idem,

Euge redux reducem rursus ades-  
se Deum.

Hunc igitur, felix, o turba applaude  
piorum;

Tu vero Herodes sanguinolente  
time.

*Morbus Caroli.*

C A P V T   X X V I I .

Incidit in morbum mense Octo-  
bri, 1573. sub profectiōem Henri-  
ci fratris ad Regnum Poloniæ, ex  
dolore affecti pulmonis incognito  
medicis morbo; feбри continua affli-  
gebatur, qua recedente Mazilius  
princeps medicorum Regem bene

D. ij

habiturum. Auctus est ex metu insidiarum quæ bis paratæ sunt à Francisco fratre, & Henrico sororio Regnum appetentibus per cædem, & nefas: Item ex suspitione lenti & tabifici veneni, & deuotionibus maleficorum: Quas ob causas Cosmus & Nonius arioli Italici generis in carcerem rapti sunt, ministri fratris: Iosephus Bonifacius cognomento Mola, & Hannibal Coronassius cõscij coniurationis damnati fuerunt. Franciscus Montmorantius Annei filius in vincula ductus, adiuncto Arturo Cossa Andegauo, seu quod fratrem amassent, seu ne in posterum noçerent.

*Sermones eius ante mortem.*

C A P V T XXVIII.

Aliquot diebus ante mortem Curtius pictor imaginem Hérici fratris



ad Carolum tulit scientissime depi-  
ctam, quam & ego apud Curtium  
ante videram mandato Regis, ve-  
nerat idcirco; contemplatus absentis  
faciem *O bonifratris imaginē, inquit,*  
*quem utinam à me nunquam dimisif-*  
*sem.* Postea ingressus est in sermone  
de parentibus & liberis, *fælices eos*  
*predicans qui adultos reliquissent libe-*  
*ros, si quidem malle sine herede exce-*  
*dere è vita, quàm regnum infanti mul-*  
*ta passuro: Galliam deformatam bellis*  
*ciuilibus viro opus habere.* Triduo ante  
mortem Catharina genitrix narra-  
bat Gabrielem Montgomerin cap-  
tum; hoc audito nuntio nullum le-  
titiae signum dabat; cui illa; *patris tui*  
*percussorem captum non gaudes?* res-  
pondit: *neque hoc sibi curæ esse, neque*  
*vllum preterea negotium humanum:*  
*quam vocem veluti instantis obitus*  
*prænuntiam mater accepit.*

*Mors eius & testamentum.*

## CAPUT XXIX.

Tertio calendas iunias 1574. die Pentecostes vocato Biraga Cancellario, & Fiza notario, presentibus Francisco fratre, Henrico sororio, Carolo Borbonio Cardinale, & cœtu Aulicorum; commemorata salicæ legis authoritate, & prerogativa, Henricum fratrem præposuit Galliæ. Testamentum continuò Lutetiam ad Senatum perfertur; recitatum more maiorum patres probaverunt; Franciscum monens, *ne turbaret ordinem, neu quid novi moliretur; Regna aut virtute, aut hereditate parari, Qui malis artibus ad ea aspirant, male perire; audiens matri esset, non defuturam obsequenti: Eos simul, &*



ministros omnes sacramento fiducias facere Hérico Regi voluit. Hora tertia huius diei obiit in arce Vingenarum prope Lutetiam Parisiorū clarissimā urbem anno vitę vicesimo quarto, subductis diebus octo & viginti: postero die corpus inspectū est præsente Magistratu urbis, liuores nulli intus reperti suspensionem veneni ademerunt, quod à fratre datum rumor erat. Regina toto Aprili & maio filios veluti captiuos habuit ne fugerent, neue tumultus & seditiones excitarent: missis ad Henricum nuntijs de fratris obitu, qui equis publicis Cracouiam diebus tredecim peruenere.

*Statura & membra ipsius.*

C A P V T XXX.

Statura fuit proçera, sed incurua,

facie pallida buxæ ve, oculis ferociam spirantibus, naso aquilino, oblungo collo, natura preceps fuit, impatiens moræ, iracundus, ferox, macilentus, non tamen credulus, memoria firma tenacique & cum vellet egregius simulator. Libidinis non adeo profusæ: facundia clarus, & Iudicio acri: periurium sermonis genus, non criminis putans, idcirco fidem violabat, quoties ex usu videbatur, in priuatis colloquijs passim deiecerans.

FINIS.





S E R M O

GALLIÆ

R E G E M

S A L V T A N T I S.

P A P Y R I O M A S S O N O

*auctore.*



A L L I A se omnis  
Majestati ad pedes  
projicit, & impetra-  
tâ dicendi copiâ, Sal-  
ue, inquit, æternum  
patrię decus, Henrice Rex ad ornan-  
dam virtutem cœlo date, jamque  
virenti laurcâ dignissime. Reverso  
tibi quàm possum gratulor, no-  
men, numenque tuum adorans: at

E

unde reuerso? quas regiones, quos  
 populos quanta celeritate, quàm  
 feliciter peruagato? Quod deces-  
 sorum tuorum contigit nulli, ea  
 qua nunc es ætate, Oceanum Tyr-  
 rhenum, Adriaticum nauigasti:  
 transgressus es altissimos Europe  
 fluuios Rhenum, Danubium, Al-  
 bim, Vistulam, Padum, Rhoda-  
 numque. Cominus salutasti Pyre-  
 næos, & Gebennas Aquitaniam  
 per medium secantes: Alpes verò  
 ipsas quæ Iuliæ, quæque Pœnini  
 appellantur, & Italiam à Gallia di-  
 uidunt, secundissimo cursu supe-  
 rasti: Iam peragrasti Germaniam,  
 Poloniam, Italiam, florentissimas  
 Europe regiones, & in armis exer-  
 citatissimas. Ingressus es clarissi-  
 mas vrbes, Lutetiam, Cracouiam,  
 Viennam, Venetias. Lutetiæ Ca-  
 rolus frater magnis te honoribus af-



fecit : Cracouiæ sumpſisti regium  
 veſtitum , & diademate caput euin-  
 ctus es : Vienne Cæſar te hoſpitem  
 habuit : Venetiſ reſpublica , quæ re-  
 gem Francorum in Marci templo  
 nunquam viderat. Salue igitur Rex  
 Galliæ Poloniæque ingens gloria,  
 iterum ſalue, rara ſœlicitate vno an-  
 no & abſenti & inopinanti tibi hæc  
 duo regna obuenerẽ , alterum ſuf-  
 fragio , alterum lege. Scilicet vt in  
 patria ſuccederes fratri, foris extra-  
 neo : hîci iuueni, illic ſeni. vtque in  
 patriam reuerſus Polytropi cogno-  
 men merito ferres, Vlyſſi olim da-  
 tum, quòd mores hominum varios  
 vrbeſque plurimas peregrè vidiffet.  
 Iſte autem aduentus tuus non me-  
 diocriter piorum animos recreat. Me  
 quidem imprimis inteſtina meorum  
 fatalique inſania, & externa imma-  
 nitate vaſtatam. Quouſque enim

hoc ciuile bellum, quousque famem, quousque direptiones, quousque incēdia aspiciam, & filiorum sanguine imbuar infœlix parens? Henrice fili, idēque clementissime Domine, ad sis languenti, fer opem afflictæ patriæ: & quando mutare omnia in melius potes, quam abs te postulo pacem tribue. Pacem si subditis bona dederis, habebis fidelem & perpetuam: si malam, haud diuturnam. Quod si qui priuatas inimicitias reip. condonare nolent, aut ab armis discedere, seueritate in eos utere, ne impunè tantos sibi spiritus tantāque arrogantiam sumpsisse videantur. Leges enim armis, arma legibus tueri oportet. Solon Atheniensis remp. dicebat præmio & pœnâ contineri. Hæ sunt columnæ, quibus regnantem niti oportet, ut ad rectè faciendum bonos præmijs al-



licias, rebelles metu poenæ terreas.  
 Tu qui magnum in re militari vsum  
 habes, & qui hostium copias prælio  
 sæpe vicisti, erigere hoc regnum, si  
 modò vis, potes. Nemo enim te-  
 cum sine sua pernicie contendet. So-  
 la religionis dissimilitudo paci ob-  
 stabit, quam omnino perire ex usu  
 est, dummodo vnà abusus interci-  
 dat; nec gladio armisve talia tam fa-  
 cilè quàm monitis purgantur. Itaq;  
 ama literas, eruditos cole, da præfe-  
 cturas & sacerdotia non pueris, non  
 foeminis, non belluis, sed ijs quo-  
 rum opera poteris errantes reducere  
 in viam. Iuris etiam custodem &  
 vindicem te esse oportebit. Esse au-  
 tem quî poteris, si magistratus fue-  
 rint venales? Qui emit, vendat neces-  
 se est, & quidem pluris quàm emit:  
 tametsi numerum magis quàm em-  
 ptionem horreo: jam enim plures

sunt in singulis oppidis magistratus, quàm familiæ, quàm ædificia, quàm putei. Sunt etiam confertæ exactoribus prouinciæ tuæ: hi pecunias quotidie imperant: imperent igitur naturæ auri atque argenti fodinas, quas miseri agricolæ ad restringendam Quæstorum sitim paratas habeant. Et modum in tributis aliquem esse oportet, Christianissime Rex, ne subditi tui liberorum vitam in solum dare cogantur. Nam qui auferat aratori bouem, aut equum, aut aratrum, occidit patrem familias, & vagientes in cunis puerulos necat. Boni pastoris est tondere pecus, non deglubere. Hęc Tyberij vox est, qui Christianus non fuit, imò qui magis Christianus fuit, quàm iij, per quos efficitur vt agricola nequeat viuere, simul & tributum pendere. Sequitur exactorem miles, ad prædam,



quàm ad pugnam melior, à quo paterfamilias vitam suam, & vxoris filiarumque pudicitiam redimere cogitur. Majorem infligere securim hostis non solet, etsi ad nocendum venit, quàm delecte ad seruandos ciues copiae. Quid faciat paganus circumfusus milite, ab exactore obsessus, pressus inedia, nec peculij dominus, nec compos sui? Ergo discat miles parere imperio tuo, aut mori: & cum stipendium acceperit, nec sui, nec alieni furtum facere audeat. Discant & nobiles, si genus amant, virtutem colere, nam vitia magis quàm timor, degeneres arguunt, sic vt vitiatorum magistri genus sibi decorum esse frustra gloriantur. Ditissima provinciarum fui Gallia, & futura sum diues, si opulenta pace floruerò: si filij mei in gratiam redierint: si peregrinae religiones, si abusus in exilium

mittantur. Percant̃ qui inter alum-  
nos meos dissidium volunt. Tu  
Henrice, qui dicendi veniam dedi-  
sti, da veniam nimium liberæ ora-  
tioni meæ, nec me locutam puta,  
sed dolorem qui tacere nescit.







PETRI

PITHOEI I.C.

ELOGIVM.

APYRIO MASSONO

*Aduocato in Regia auctore.*



ENTEM Pithœorum  
in Lugdunensi secun-  
da apud Viromense ca-  
strum olim consedis-  
se, acta publica, excepto-  
resque fidem faciunt. Eam quidem  
non imbelli otio deditam, sed mili-  
tariis studiis florentem (equo  
enim merebat) atque illustrem fuis-  
se argumento erit Guillelmus vnus

F

ex maioribus Petri illius, de quo pauca è multis, & breuissima ex amplissimis dicturi hoc elogio sumus: ut qui illud legerint, adhuc sitientes ab eo recedant. Hic enim anno à partu Virginis M. CCLXXXII. in albo Vitomensium militum secundus inscriptus est, noménque dedit sacræ militiæ quæ in Syriam & Palestinam pietatis causâ mittebatur: adeò ut conferatur huic nemo præter vnum, ceteri vix pares putari possint, quia post illum omnes vno ordine descripti sunt in actis Rationalium, quæ ego antiquitatis curiosus prius videre, quàm de his scribere malui. Ab illo profectus longa serie Æmilius in Campaniam Belgicam se contulit, more iuuenum Normaniæ gentis, apud quos minores filij primogenitis cedunt paternas atque auitas opes iure municipali possi-



dentibus, solentque relictâ patria  
alienas sedes ac terras petere. Æmilij  
autem filius fuit Andreas, nepos Pe-  
trus, pronepos Petrus spectatæ in-  
ter suos notæque nobilitatis. Natus  
est apud Eruium vicum agri Tricaf-  
fini. Tricassium vrbs penè interlui-  
tur Sequanâ notissimo flumine Gal-  
liæ maximèque nauigabili, in quam  
urbem relicto natali solo adolescens  
se recipit, vt esset illic domicilium  
rerum ac fortunarum suarum, abdi-  
cato militari & gentili maiorum suo-  
rum studio, conuerso que ingenio  
ad Mineruæ Palladisue artes, quas af-  
fiduitate & diligentia, laborè que pe-  
nè incredibili sibi comparauit, vt do-  
ctissimus totius Campaniæ, nec im-  
merito sit habitus, præsertim in Iure  
ciuili ac municipali, fueritque instar  
oraculi omnibus illustribus familijs  
illius prouinciæ, & à consilio in re-

bus agendis, disceptandisque con-  
trouersijs. Hanc parto nominis fa-  
mam Basina prima vxor eius, gemi-  
nos vno partu edidit, Ioannem, &  
Nicolaum, qui septuagesimum tertium  
ætatis annum nunc agunt,  
quod memorabile profectò excel-  
lentibus medicis semper visum est.  
Secunda fuit Bonauentura de Châ-  
taloe nobili genere, filia Roberti  
Scutiferi dominique Bairæ, ex qua  
genuit quatuor mares, totidemque  
feminas. Marius maximus natus fuit  
Petrus, cognomento non tam Pi-  
thœus quàm Pithius. Ego enim à  
Græca voce Deæ Pithus nomen illi  
esse suspicor. Natus autem est kalen-  
dis Nouembrib. anno M. D. XXXIX.  
quod ipse in diarium manu sua scrip-  
tum retulit, epigrammate ad Gre-  
gorium XIII. Rom. Pontif. de ea  
re festiuè & hilariter scripto in hunc  
modum:



*Nouembres quondam mihi quæ na-  
tale Kalendas,*

*Inferijs manes quæis pia cura luit,  
Martini festo mutâs vinalibus olim,  
Quid nisi me lætum viuere Papa  
iubes?*

*Te quoque, sancte pater, lætis Deus  
augeat annis,*

*Vtque hilares longos & velit ef-  
se dies.*

Ac ne cui hoc epigramma difficile  
atque obscurum videri possit, Gre-  
gorius decem primos dies mēsi No-  
uembri detrahi iussit, vt Martini dies  
festus kalendas Nouembres efficere  
videretur. In tenera quidem ætate  
Petrus tam viuaci, vt ita dicam, in-  
genio fuit, vt corpusculum illi sæpe  
parere & seruire cogeretur. Accidit  
verò vt cadens in fronte læderetur,  
cicatricemque testem vulneris omni  
deinceps vita tulit: quam ob causam

planè puerulo, ne dicam infanti, custos datus est, metu ne quid simile illi in posterum contingeret: custos (inquam) paulò prouectior ætate, viribúsque firmior, cui Reperto nomen inditum, quod ignotus & ad fores Pithœorum eleemosinam petens domum introductus esset. In pueritia peridoneum præceptorem habuit ecclesiastici ordinis virum Franciscum Pilotem, à quo in patria didicit Latinè legere, Græcè, necnon Hebraicè. Postea ad collegium Tricassinum ire iussus est, vbi humaniores literas perdiscere cœpit. Cùmque viderent præceptor & charissimus parens illum esse magni ingenij, nec minùs Græcè, quàm Latinè doctum, præterea comi facilique natura, dignus utriusque visus est qui Lutetiam mitteretur ad Petrum Gallandium, & Adrianum Turnebum,



illis temporibus eloquentiæ ac Philosophiæ Professores. Vtrumque coluit familiarissimè, verba & figuras eorum solitus colligere, & sibi nihil aliud suadere, quàm vt noto, ciuiliq; & proprio sermone uteretur. Exin reuocatus domum à patre, vt ad studia Iuris ciuilis profisceretur, non aliud ei tam religiosè à patre præceptum est, quàm vt Iuriconsultorum textus & verba ipsa perdisceret, nec glosas, nec Doctorum vllos commentarios legeret, contentus viua voce docentium, quæ magis afficit, datis ei Pandectis Haloandri cura excusis, & paterna manu ad veterum codicum manuscriptorum collationem emendatis. Id Petrus tanta cura secutus est, morem optimo patri gerens, vt verba ipsa Iuriconsultorum omni deinceps vita in pròptu habuerit. Antecessorem ve-

ro nactus est Iacobum Cuiacium  
magni nominis virum, qui illum  
quanti fecerit scripta ostendunt, in  
quibus hæc reperio: *Petrus Pithæus  
Trecensis, adolescens probus & doctus,  
& Iuris disciplinae apprime studiosus.*  
Et alio loco, eundem vocat virum  
felicissimi & acutissimi ingenij. Ali-  
bi, virum studiosum, & omnium  
bonarum disciplinarum alumnum  
felicissimum: nec usquam de illo ni-  
si honorificè loquitur, doctrinæ, iu-  
dicii, & probitatis eius se testem vl-  
trò constituens. Quæ omnia præfa-  
tione ad Codicem Theodosianum  
multò apertius declarat, hac formu-  
la orationis usus, *Petrus Pithæus ille  
qui ostensus à me sæpius, & ipse tan-  
dem monumentis suis ita se palam osten-  
dit literatis, legumque consultis omni-  
bus, ut digitum ego tantum ad eum in-  
tendisse, non totum hominem quantus  
erat*



erat hominibus patefecisse videar. Nec  
erit quid secus de Francisco Pithæo fra-  
tre, in quo efflorescunt iam ingenij  
& doctrinæ laudes maximæ, vt planè  
memoria repetens & illas quibus ex-  
celluit in omni genere bonarum littera-  
rum pater V.C. & filijs talibus dignis-  
simus, eam familiam seminarium esse  
doctorum virorum mihi liquido argu-  
mento persuadere possim. Tanti deni-  
que Petrum fecit Cuiacius, vt cùm  
illi esset de Iuris interpretatione con-  
tentio contra suæ eruditionis do-  
ctrinæque æmulum, vterque iudices  
vel Roaldesium, vel Petrum Fabrū,  
vel Pithæos asciscere paratus fuerit.  
Hactenus Cuiacius de gente Pi-  
thæorum nunc penè extincta, cùm  
illi gemini consanguinei fratres, de  
quibus suprà diximus, & Franciscus,  
sine liberis & ipse suscipiendi adhuc  
superstitēs viuant. Apud Turnebum

quoque hæc de illo legimus: *Petrus Pithæus omni liberali eruditione ornatus, & antiquitatis ignoratæ quasi Pithius alter enarrator, & illustrator maximus.* Quin iustus Lipsius, cui Philologi appellationem tribuo, sicut Eratostheni, qui primus hoc cognomen sibi vendicavit ob multiplicem variâmq; doctrinam, quâdam ad eum epistola: *Ignotum, inquit, & inuisum te amo, & amantiam tum ex quo scripta tua lego, notas elegantissimi ingenij & exquisitæ doctrinæ.* Cuiacium autem à Biturigibus Valentiam Cauarum interpretandi iuris causa profectum, Petrus secutus est: in qua vrbe sicut Biturigis fecerat, interdium Doctorem illum attentissimus audiebat, noctu verò penè insomnis, vigil, & studiosissimus naturâ noctes penè integras traducebat, vsque ad cò illi innatum



erat sub clientela Musarum longior-  
rem famam, quam vitam quærere.  
Cumque Cuiacium & iuris fontes  
penitus exhausisset, Lutetiam rediit,  
Senatumque Parisiorum ingressus  
est, ceu arenam litigantium, anno  
M. D. LX. ubi vnam tantum contro-  
uersiam, seu litem, publicè agitan-  
dam suscepit, specimen ingenij sui  
præberet. Victoria forensi domum  
statim relata, quæ inanis & vana sæ-  
pe gloria est, sed strepitum forensem  
non ferens, laboriosis huiusmodi  
exercitationibus abstinere in reli-  
quum tempus, optimum sibi & mu-  
sis constituit, solas amicorum & fa-  
miliarium causas in vmbra atque  
otio tractans. Nec quicquam scrip-  
sit, consuluit litigantibus, quod  
non elaboratum, certumque esset,  
honoris sui magis quam quæstus ra-  
tionem habens: cum aduocati ple-

runque secus faciant, turpi lucro victi superatque pecunia. Exortis civilibus bellis, huic regno planè functis, Lutetia discessit, non classicum & arma, sed quietem quærens, scripsitque hoc epigramma ad libros suos in vrbe relictos.

*Et perij per vos, & vos perijstis amores:*

*Vna salus nobis, vna ruina fuit.  
Si qua tamen vitæ spes est, hoc deprecor vnum:*

*Vivite apud gratos, gratus ego inteream.*

Reuersus demum, atque iterum amplexus forum & studia doctrinæ, incredibili cruditorum virorum lætitia exceptus est, qui certatim illi vt uxorem duceret & cupidè persuadebant. Ijs bene monentibus duxit Catharinam Palludellam Ioannis Regij Scribæ Notarij filiam, ex



qua mares quatuor habuit in pueritia mortuos, quorū obitum modestè tulit: etsi humanum est eiusmodi damna grauitè ferre, patique. Tum verò multò plures quàm vnquam antea illum adibant, fiebātque concursus litigantium ad eedes eius, quòd controuersias litésque dubias prudenter, & cum ingenua probitate dirimere existimaretur, vt plerique cognomen illi sapientis Arbitri meritò deferendum putarent. Quain re pietatem suam manifestis indicijs ostendit, quæstum & lucrum quodcunque festis diebus obtigisset, mendicis vltro distribuens. Interim veterum scriptorum monumenta aliquot in lucem dedit, vt Reipublicæ prodesset: nec minùs præfationes à se præfixas ob eruditionem probari sensit, quàm libros ipsos tanta cura quæsitos. Dum hæc facit, Henricus

III. Galliarum Rex missurus in Aquitaniam è senatu Parisiensi aliquot Consiliarios suos Iuris dicundi causâ, idoneum ad eam rem quaerens, qui regio nomine publica negotia procuraret, Pithœum deligit: quo in magistratu virum sese & quidem probum ostendit, ac tanta prudentia & honestate præditum, ut Aquitania tota mortem eius diu luctura videatur. Hoc munere functus biennio & quod excurrit, domum redijt, priuatamque absque magistratu vitam egit, quam idcirco beatiorē puto. Et quidem multo magis quam vnquam in ore esse omni populo cœpit, super grauioribus dubiisque negotijs consilium ab eo petere cupienti, sæpèque ex Italia litteres dirimendæ ad eum missæ sunt. Mortuo autem Henrico, cum omnis Gallia dirum incendium patere-



cur, maluit Lutetiæ se continere  
quàm peregre, conseruandæ biblio-  
thece suæ causa, cum qua mori op-  
tabat, vt illâ viueret. Rarò tamen &  
non nisi palliatus veniebat in fo-  
rum, inter priuatos parietes domi-  
que solatium ex lectione librorum  
suorum capiens, veteresque Galliæ  
Synodos quas plurimas habebat, ex-  
scribi & in mundum redigi diligen-  
tissimè procurans, quod opus ab-  
solutum reliquit, idque thesaurum  
Galliæ appellare placet. Nusquam  
enim alibi tot opes, totque gemme  
in vnum coaceruatæ congestæque  
sunt. Imò vt tempus falleret, depel-  
leretque præsentem animi tristitiam,  
mathematicis disciplinis operam de-  
dit Monantholio docente, qui in-  
ter Professores regios illarum peri-  
tissimus habebatur. Postremò bar-  
baris Lutetia eiectis, vbi in præsidio

erant; perfunctus aliquandiu amplissimo Procuratoris generalis in Senatu munere, cōsuetum fori exercitium tandiu intermissum repetijt, fuitque litium ac negotiorum multitudine occupatissimus, vsque ad id tempus, quo imminentem grassantemq; pestem in Cāpaniam agrumque Tricassinum secedendum necessario illi fuit, & vxori filiabusque suis, quas duas tantum superstites habebat, Aloysiam, & Mariam. In illo propter repentinum discessum molli vt videbatur otio, excudi curauit Æsopi fabulas, Iambico senario versu elegantissimè scriptas à Phędro Augusti Tiberiique Cęsarum liberto, quę nondum lucem viderant: necnon Hilarij Pictauiensium Episcopi Opus historicum de calamitatibus diui Athanasij, & Liberij Romani Pontificis. Cæterum vt tertianę



tianę febrī, in quam inciderat mēderetur, ex amœnissima villa quam incolebat, Nongentum ad Sequanam se conferre coactus est procu-  
randæ valetudinis gratiâ: vbi febrī illa in continuam versa, iudicavit se natali suo die moriturum, atque ita accidit. Kalendis enim Nouembribus anno M. D. XCVI. excessit e vita, dignissimus longiore ac diuturniore, si fata virtutes hominum ponderarēt. Verum ita res habet, vt mors, quasi messoria falx segetes, sic probos atque improbos pro arbitratu, iuuenēsque ac senes metat. Die verò natali exemptum esse rebus humanis id illi commune fuit cum Attalo, Platone, Mario, Pompeio, Gregorio I. qui omnes, vt literarum monumentis proditum est, eo ipso die quo nati fuerant recurrente, facto functi sunt. Testamentum qui-



dem scribere conatus urgente morbo, absoluerere non potuit: bibliothecæ tamen suæ memor, illam aut retineri integram, aut vni tantum vendi iussit, eique digno, ne margaritas porcis exponeret. Habebat enim plurimos exquisitissimos codices tam excusos quam manuscriptos, in omni genere disciplinæ, quos mira felicitate suos fecerat, partim dono familiarium & amicorum, partim emptione & pecunia sua. Elatus verò est tanto omnium mœrore, ut eius funeri, quod prosequutus est Ordo, Populusque Tricassinus, publicas faces decreuerit, ac sepultus in cōditorio maiorum ad ædem D. Francisci Tricassium, ubi mandauerat, locum Epitaphij indicans suis paulò ante mortem, breuique moriturum se dicens, quòd parens anno ætatis suæ LVII. decessisset. Sta-



tura fuit admodum procera, facie paululum rubida, capillicio & oculorum pupillis nigris, seductisque & concavis, crasso & spisso supercilio, manibus pedibusque oblongis, tibijs tamen gracilibus, vultu ut videbatur ad severitatem quidem composito, cum humanissimus esset & facili natura, exigui & rari sermonis, à quo veritas aut raro, aut nunquam abesset. Principum aulas nunquam affectatus est, easque impedimenta atque obices eruditionis appellans. Quominus miror ipsum qui dignissimus erat publico magistratu & quidem maximo, qui que notissimus erat togatorum genti, & aulicis proceribus ob eruditionem virtutesque egregias, posthabitu: nec commedatione cuiusquam illorum persuasum optimis Regibus nostris, qui nosse ignotorum sibi virtutes &



ornamenta nequeunt, ut illum ad  
singulare aliquod in Rep. munus  
promouerent, ubi qualis quantus-  
que foret apertissimè iudicaretur.  
Magistratus enim virum ostendit.  
Sed ita res habet. Plerique virtutem  
dum præsens est absentem exulem-  
que velint, sublatam ex oculis cupi-  
dè laudant, ut eam desiderare videā-  
tur, & in efferendis mortuorum vir-  
tutibus sunt prodigi verborum, ut  
probare videantur ea quæ oderunt:  
eoque ventum est, ut de illustribus  
viris si mortui fuerint, dicatur illud  
Caracallæ, *Sint diui, modò ne sint*  
*viui*: Usque adeò præsentiam virtu-  
tis ignauia efferre non potest. Li-  
brorum autem quos edidit, alios ip-  
se quidem Gallico sermone compo-  
suit, ut de Comitibus Campaniæ  
Belgicæ, De constitutionibus Re-  
gum Galliæ tempore pestiferi schis-



maticis, De priuilegijs & libertate Ecclesiæ Gallicanæ: Alios Latino, cuiusmodi sunt duo Aduersariorum quos publicauit anno ætatis vicesimo quarto, & paulò antè mortem de Latinis interpretibus bibliorum, De processione Spiritus sancti, & Comitem Theologum de precibus Christianis. Ex veteribus præter eos quos suprà attigimus, Calphurnij declamationes iunxit Quintiliani, ut videtur, aui M. Fabij, iam publicatis ab Ærodio Andegauensi præclarissimis declamationibus, quas doctissima præfatione illustriores Pithœus reddidit. Simul opera aliquot Theologorum nostratium Vincentij Lirinensis, Phœbadij Aginensis, Fausti Regiorum, & Saluiani Massiliensis emendatiora reddidit: & ad hunc quidem præfatione utitur meo iudicio eruditionis doctrinæque plenif-



suma: quo in genere præfandi mirabilis artifex semper habitus est. Insuper Petronij Arbitri Satyram ex manuscriptis codicibus & auxisse & emendasse videtur, Poëmatiæque vetera in vnum corpus collecta exhibuit, Pauli Aquilegiensis historiam ex Georgio & Theophane Græcis scriptoribus primus etiam produxit, & veteris Iurisperiti collationem legum Moysi & ciuiliū doctissimis notis suis illustratam. Nec minorem laudem feret ex Legibus Visigothorum, Chronico Isidori Hispalensis Episcopi, Capitulis Karoli Magni, & Ludouici Pij Regum & Impp. Francorum, & ex duobus voluminibus veterum scriptorum Fræciæ historiæ à Pipino ad Philippum IV. cognomento Pulchrum feliciter perductæ. Omnes denique magni viri huius ætatis, honorificam



de eo mentionem in libris suis faciunt: ac ex his quidam labores suos & scripta ipsi & Francisco fratri, tanquam Gallie luminibus, inscribunt. Ut cæteros præteream, Iulius Cæsar Scaliger Aginnenfium decus, omnium disciplinarum peritus, Lipsius & cæteri philologi, magnusque ille scriptor Cæsar Baronius, quem Clemens VIII. Rom. Pontifex propter excellentem doctrinam Cardinalem nuper designavit. Mentis autem sue testationem ingenuam simul & admirationi posteris futuram multo ante mortem Pithæus scripsit, simulque egregium epitaphium sibi & uxori viuis condidit, & Franciscus frater adhuc superstes aliud non minus elegans piūque, hac verborum formulâ.

In nomine Domini, Amen.



Oribus valde corruptis ac prauis, seculo infelicissimo, quantum in me fuit, fidem seruauit.

Amicos ex animo amaui & colui. Inimicos benefactis vincere, aut contemnere, quàm vlcisci malui.

Coniugem vt meipsum habui. Liberis parum indulsi. Famulis vt hominibus vsus sum.

Vitia sic odi, etiam in meis, vt virtutes in externis vel hostibus veneratus sim.

Priuatæ rei seruandæ potiùs quàm augendæ operam dedi.

Quod mihi fieri nolui, alteri vix vnquam feci, aut fieri passus sum.

Iniustam aut difficilem gratiam vt venalem spreui.

Sacer-



# ELOGIVM 65

Sordes & auaritiam in omnibus  
præcipuè verò in Religionis ac Iustitiæ,  
sacerdotibus & ministris execratus sū.

Puer, iuuenis, vir, senectuti mul-  
tum detuli.

Patriam vnice dilexi.

Opus potiùs quàm honores, aut ma-  
gistratum amari: ac prodesse quàm præ-  
esse malui.

Prinatus vltro Publico studui: Ei  
nihil prætuli, atque in commune con-  
sulare, potius, tutiùsque semper existi-  
maui.

Statum publicum laborantem pru-  
denter sanari, emendarique optavi.  
Perueriti, immutari, nouari, aut per-  
turbari penitus nunquam cupiui.

Pacem vel iniustam, quod bona om-  
nium bonorum veniã dixerim, ciuilibus  
discordijs belloque potiozem putavi.

Pietatis & Religionis sacrosancta  
nomina, ambitioni atque auaritia, sce-

leribúsque prætèxi & obtendi, granius  
tuli.

Melioris Antiquitatis non indili-  
gens quasitor, admirator & cultor,  
nouitates facile insuper habui.

Quæstiones vanas disputationésq; sub-  
tiliores de ijs quæ ad Deum pertinent,  
vt noxias odi, ac fugi.

Simplicitatem prudentia aliqua con-  
ditam & septam, astutia & callidita-  
te tutiorem feliciorémque sæpius exper-  
tus sum.

Rectè de rebus iudicandis studium,  
eloquentiæ artibus prætuli.

Procul ambitu atque auaritia, in-  
uidiæque inter amicos plures ac bonos  
potentésque, fortuna non planè infima,  
sollicitius aliquanto vixi, quàm priua-  
tum fortassis decuit: de publicis tamen  
& amicorum rebus magis quàm de pro-  
prijs cogitans.

Nullum duxi gratiorem diem, quàm



quo publico, aut amicis adesse, aut prodesse datum est.

*Mala præsentia quàm metu impendentium fortius tuli: Extremâque facilius quàm dubia.*

*Recta, sincera, & quabili atque constanti inter omnes Iustitiæ administratione, etiam clarissimis atque audacissimis os occludi, manus obligari, vidi, expertus sum.*

*De patrimonio ac bonis meis, quantulacûque illa post mortem meam erunt, legibus potius quàm mihi iudicium permisi, permittoque.*

*Vnum opto & spero, ut quem in me animum charissimæ ac probissimæ cõiugis integrum viuus expertus sum, eundem in communibus liberis educandis, tuendis, curandisque gerat.*

*Sit hæc apud posteros testatio mentis mee, quam ab illis sic candidè accipi velim, ut simpliciter & ingenuè exani-*

*mi mei sententia à me prolata est.*

*Veni Domine, & miserere.*

*Petrus Pithæus scripsi Kal. Nouem-  
bris, Natali quondam meo die  
Lutetiæ Paris. anno Christi.*

*D.N. Clō lō LXXXVII.*

*Pro titulo, Tumulo inscribi cupio.*



PETRI. PITHOEI. P. F. I. C. BENE  
 DE SVA, BENE DE POSTERA  
 AETATE MERITI, CORPVS,  
 MAIORVM, SEPVLCHRO CON-  
 DITVM, RESVRRECTIONEM.  
 ET IMMORTALITATEM HIC  
 EXPECTAT.

R. I. P.

DEPOSITVM EST.

KATHARINA. PALLVDELLA.  
 CONIVX AMANTISS. CON-  
 IVGI AMANTISS. ET.  
 LODOICA, AC MARIA  
 FILIAE, CHARISS.  
 PATRI OBSER-  
 VANDISS.

PITHOVS hîc jacro, mecum &  
chariſſima coniux,

Sic compar vita, compare morte fruor.  
Improbe quid rides? caſti ſacra ne, cis  
amoris:

Nil non, vel cineres, hac comite eſ-  
ſe iuuat.

Ex alia parte.

Sint inſcripta licet titulo duo nomina,  
duplex

Utque oculis teneat corpora ſarco-  
phagus:

Vnum & idem, ac totum tamen eſt:  
nam mutua præſtant,

Dimidiũmque alij, dimidiũmque ſibi.



PETRO. PITHOEO. P. F. TRICAS-  
 SINO. SAVODIAE DOMINO.  
 NOBILITATE. ACTIBVSQVE  
 AD EXEMPLVM PRAECIPVO.  
 ADVOCATO. IVRISCONSVL-  
 TO. MAXIMO. EA AEQVITATE.  
 ARBITRO. VT. INTER. OMNES  
 QVI. AD EVM. ANIMO LITI-  
 GANTIS. INTRASSENT PAREN-  
 TEM. SE. MAGIS. HIS QVAM.  
 IVDICEM. PRAEBVERIT. PE-  
 TITV BONORVM. TESTMO-  
 NIO. SENATVS. IVDICIO RE-  
 GVM. PER. PROVINCIAM.  
 AQITANIC. ET ITERVM. LV-  
 TETIAE PARISIOR. DIFFI-  
 CILLIMIS. TEMPORIBVS PER-  
 FVNCTO PROCVRATORIS. GENE-  
 RALIS. OFFICIO LICET. EGRE-  
 GIA. EIVS. IN. REM. PVBLI-  
 CAM. MERITA. ET. IPSIVS.  
 SCRIPTA. VETERVMVE AV-  
 CTORVM. MONVMENTA. AB.  
 ILLO. IN. LVCEM. PRIMVM.  
 DATA. AVT. RESTITVTA AT-  
 QVE. DOCTORVM. OMNIVM.  
 PERVVLGATA. DE. EODEM.  
 TESTIMONIA. AD. MEMO-  
 RIAM. SEMPITERNAM. SVF-  
 FICIENT. ATTAMEN. FIDELIS-  
 SIMAE. DEVOTIONIS GRA-  
 TIA. ET. PRO. SINGVLARI.  
 CIRCA. EVM. AMORE.

FRATRI. PISSIMO. ATQVE  
INCOMPARABILI. FRANCIS-  
CVS PITHOEVS. BONA. PIAQ:  
MENTE.

M. P.

VIXIT. ANNOS. LVII.  
OBIIT. NATALI. SV O. MAGNO-  
RVM. VIRO RVM. FATO. KAL  
NOVEMB.

CID ID XCVI.

R. I. P.